

ADMINISTRACIÓN LOCAL

MUNICIPAL

ESTRADA, A

Ordenanzas e Regulamentos

RESOLUCIÓN DE ALEGACIÓN E APROBACIÓN DEFINITIVA DA ORDENANZA REGULADORA "LIMPEZA DE TERREOS E PROTECCIÓN CONTRA INCENDIOS FORESTAIS DO CONCELLO DA ESTRADA"

ANUNCIO

En sesión plenaria do 12 de xaneiro de 2017 aprobouse a Ordenanza reguladora para a "Limpeza de terreos e protección contra incendios forestais do Concello da Estrada".

Dado que durante o período de información pública se presentou unha alegación, que foi tratada, previos os informes técnicos procedentes, na sesión plenaria do 6 de abril de 2017, procedéndose á modificación do texto da devandita Ordenanza.

De conformidade co previsto no artigo 70 da Lei 7/1985, procédese á publicación do texto íntegro da Ordenanza, que entrará en vigor segundo o previsto no artigo 70.2 da Lei 7/1985.

Segundo o establecido no artigo 46 da Lei 29/1998, tratándose dunha disposición xeral, fronte á mesma poderá interpoñerse recurso contencioso-administrativo no prazo de dous meses a contar dende o día seguinte ao da súa publicación no Boletín Oficial da Provincia. O recurso deberá interpoñerse ante a Sala do Contencioso/Administrativo do Tribunal Superior de Xustiza de Galicia, con sede en A Coruña. Todo isto, sen prexuízo de que se interpoña calquera outro que se estime oportuno e sexa aceptable en dereito.

"ORDENANZA MUNICIPAL REGULADORA DA LIMPEZA DE TERREOS E PROTECCIÓN CONTRA INCENDIOS FORESTAIS DO CONCELLO DA ESTRADA"

EXPOSICIÓN DE MOTIVOS

De conformidade coa potestade regulamentaria atribuída polos artigos 4.1 da Lei 7/1985, do 2 de abril, reguladora das Bases de Réxime Local, e 6.1 da Lei 5/1997, do 22 de xullo, de Administración Local de Galicia, o Concello da Estrada, por medio da presente ordenanza, propón a regulación da obriga da limpeza de terreos no solo urbano, no de núcleo rural e no urbanizable delimitado, no ámbito das súas competencias, co obxecto de conseguir as



condicións axeitadas de salubridade e seguridade para previr e evitar os incendios, e protexer deles as infraestruturas e os equipamentos sociais, as zonas edificadas e as áreas forestais e naturais de valor especial.

A presente ordenanza é de aplicación no marco do disposto na Lei 7/2012, do 28 de xuño, de montes de Galicia, na Lei 3/2007, do 9 de abril, de prevención e defensa contra os incendios forestais de Galicia, na Orde do 31 de xullo de 2007 pola que establecen os criterios para a xestión da biomasa vexetal e tamén na Lei 2/2016, do 10 de febreiro, do solo de Galicia.

CAPÍTULO I. DISPOSICIÓNS XERAIS

Artigo 1. Finalidade

Esta ordenanza ten natureza non fiscal e a súa finalidade é establecer as condicións para levar adiante a limpeza de terreos e a fixación das distancias para plantacións nos terreos clasificados como urbanos, de núcleo rural ou urbanizables delimitados sitios no termo municipal da Estrada.

Artigo 2. Ámbito de aplicación

A presente ordenanza é de obrigado cumprimento para as persoas responsables, conforme ao definido no artigo 4, que teñan os seus terreos dentro do termo municipal de A Estrada.

Conforme ao disposto no artigo 4.2 da Lei 5/1997, do 22 de xullo, de Administración Local de Galicia, a presente ordenanza será de aplicación en todo o non previsto pola lexislación básica.

Artigo 3. Persoas responsables

Para os efectos desta ordenanza, entenderanse como persoas responsables as persoas titulares ou, no seu caso, as titulares do dereito de aproveitamento sobre os terreos urbanos, urbanizables delimitados e de núcleo rural, así como as administracións, as entidades ou as sociedades que teñan encomendada a competencia sobre a xestión (ou cedida esta competencia en virtude dalgunha das formas previstas legalmente) das vías de comunicación e das liñas de transporte de enerxía eléctrica, sobre os tipos de solo referidos anteriormente.

Artigo 4. Definicións

Para os efectos desta ordenanza, defínense os seguintes termos:

SOLO URBANO: Terreos que o plan urbanístico municipal definira e clasificara como tal en virtude do disposto no artigo 16 da Lei 2/2016, do 10 de febreiro, do solo de Galicia ou da norma que a substitúa.



NÚCLEOS RURAIS: Terreos que se incluían dentro dos núcleos rurais delimitados no plan municipal, de conformidade co disposto no artigo 23 da Lei 2/2016, do 10 de febreiro, do solo de Galicia ou da norma que a substitúa.

SOLO URBANIZABLE DELIMITADO: Terreos que, sen teren a condición de solo urbano, de núcleo rural nin de solo rústico, o plan urbanístico definira e clasificara como tal ao poderen ser obxecto de transformación urbanística nos termos fixados no artigo 27 da antedita Lei 2/2016, do 10 de febreiro, do solo de Galicia ou da norma que a substitúa.

XESTIÓN DA MASA VEXETAL: A creación e mantemento da descontinuidade horizontal e vertical da carga de combustible, a través do control ou eliminación parcial ou total da masa vexetal por medio do emprego das técnicas máis recomendadas e coa intensidade e frecuencia para o cumprimento do obxecto previsto nesta ordenanza. Tendo en conta que os terreos sitos en solo urbano, en núcleo rural ou en urbanizable delimitado teñen unha natureza residencial, polo que os riscos para os bens e as persoas por motivos de incendios de vexetación deben minorarse drasticamente e primar a seguridade.

CAPÍTULO II. DA XESTIÓN DA MASA VEXETAL (LIMPEZA DE TERREOS)

Artigo 5. Xestión da limpeza de terreos

As persoas responsables terán a obriga de limpar os terreos incluídos en solo urbano, urbanizable delimitado ou de núcleo rural, conforme aos criterios establecidos nesta ordenanza, así como mantelos nas debidas condicións de seguridade e salubridade, para o que os deberán desinfectar e desratizar periodicamente.

Artigo 6. Criterios de limpeza de terreos

1.—Consonte ao disposto na Lei 3/2007, do 9 de abril, de prevención e defensa contra os incendios forestais de Galicia, as persoas responsables dos terreos sitos en solo urbano, urbanizable delimitado ou núcleo rural deberán acometer os criterios de limpeza de terreos establecidos neste artigo para cada clase de terreo, en todo caso, antes do 30 de xuño de cada ano.

2.—Nos terreos clasificados como solo urbano, solo de núcleo rural e solo urbanizable delimitado, as persoas responsables deberán facer a limpeza de terreos na totalidade da parcela conforme aos seguintes criterios:

a) Roza para a eliminación do estrato herbáceo e arbustivo, sempre que supoña un mínimo risco para a propagación dos incendios incontrolados de vexetación.



b) Poda e rareo do estrato arbóreo de forma que se manteña unha discontinuidade horizontal entre as copas das árbores e vertical entre as copas e os estratos herbáceo e arbustivo. Este criterio non será aplicable en parques e xardíns municipais, árbores senlleiras ou aquelas que cumpran funcións ornamentais ou se atopen illadas e non supoñan un mínimo risco para a propagación de incendios incontrolados de vexetación.

3.—Nos espazos previamente definidos como redes secundarias de faixas de xestión de biomasa nos plans municipais de prevención e defensa contra os incendios forestais, será obrigatorio para as persoas responsables, nos termos establecidos no artigo 21.3 da Lei 3/2007 de prevención e defensa contra os incendios forestais de Galicia, xestionar a biomasa vexetal (limpar a maleza) nunha franxa de 50 metros perimétrica ao solo urbano, de núcleo rural e urbanizable delimitado, así como arredor de edificacións, vivendas illadas e urbanizacións, depósitos de lixo, parques e instalacións industriais, sitas a menos de 400 metros do monte, de acordo cos criterios para a xestión de biomasa estipulados na Lei 3/2007 de prevención e defensa contra os incendios forestais de Galicia e na súa normativa de desenvolvemento.

Ademais, nos primeiros 30 metros non se poderán atopar as especies sinaladas na disposición adicional terceira da Lei 3/2007, que se recollen no anexo I desta ordenanza. As distancias mediranse desde o límite do solo urbano ou núcleo rural, de ser o caso. As distancias no caso de edificacións, vivendas illadas ou urbanizacións mediranse desde o seu paramento. No caso de depósitos de lixo, parques e instalacións industriais, mediranse desde o límite das instalacións.

No caso de cámpings, gasoleiras e industrias en que se desenvolvan actividades perigosas consonte o establecido na Lei 1/1995, do 2 de xaneiro, de protección ambiental de Galicia e na súa normativa de desenvolvemento, as distancias para as especies sinaladas na disposición adicional terceira da Lei 3/2007 serán de 50 metros desde o límite das instalacións. No caso dos cámpings, esta distancia medirase desde o peche perimétrico.

4.—Tal e como establece a disposición transitoria terceira Lei 3/2007 de prevención e defensa contra os incendios forestais, mentres non se definan as redes secundarias de faixas de xestión da biomasa nos plans municipais de prevención e defensa contra os incendios forestais, serán directamente aplicables as obrigas derivadas do disposto no artigo 21 da lei, descritas no punto 3 deste artigo.

Artigo 7. Peches arbustivos

1.—Os cerramentos de fincas poden ir extradorsados ou directamente construídos con sebes vivas ou uz, para o que se empregará calquera das especies convencionalmente usadas para estas disposicións. Estes arbustos plantaranse a unha distancia mínima de medio metro (0,50 m) do lindeiro.



Luns, 24 de abril de 2017

MP 78

2.—A persoa titular da sebe ten a obriga, a súa custa e cunha periodicidade polo menos anual, de podar a sebe na súa totalidade e deixala á mesma altura que o peche da parcela, é dicir, dous metros e medio (2,5 m) medidos desde a rasante do interior da parcela.

A sebe ou plantación deberá manterse sempre podada en horizontal para que non invada as vías públicas nin a parcela veciña lindeira.

Artigo 8

Ata o 31 de maio de cada ano, o Concello exercerá a súa competencia inspectora e verificará que se cumpriu cos requisitos de limpeza e protección contra os incendios establecidos na presente ordenanza. Mediante o correspondente expediente, e tras a audiencia coas persoas interesadas, ordenará a execución dos labores de limpeza e conservación de terreos, coa finalidade de que estes terreos manteñan as debidas condicións, con indicación do prazo de realización e do custo aproximado dos labores. Cando a natureza dos labores así o requira, o Concello esixirá á persoa obrigada a solicitude dunha licenza acompañada da documentación correspondente.

O Concello tamén actuará a instancia de calquera persoa interesada e será o encargado de verificar o estado das parcelas ás que se faga referencia.

Artigo 9. Execución subsidiaria

Se as persoas responsables non realizan os traballos de limpeza de terreos nos prazos fixados polo Concello, o Concello poderaos levar adiante, logo do apercibimento previo en forma e sen prexuízo da imposición, tras a tramitación do expediente oportuno, das sancións procedentes.

Os custos derivados deses traballos repercutirán, se é o caso, nas persoas responsables, e cobraranse, de ser o caso, os gastos que se lle ocasionen ao Concello a través do procedemento de prema.

CAPÍTULO III. DAS DISTANCIAS DAS PLANTACIÓNS

Artigo 10. Prohibicións e distancias das repoboacións forestais e plantacións

1. De conformidade co disposto na Lei 7/2012 de montes de Galicia, quedan prohibidas as repoboacións forestais nos terreos clasificados como solo urbano, urbanizable delimitado e de núcleo rural.



2. No seu caso, as repoboacións forestais preexistentes antes da entrada en vigor da Lei 7/2010 de montes de Galicia deberán adecuarse para gardar, respecto das edificacións, vivendas illadas, pozos, e instalacións industriais, a distancia mínima de 15 metros cando se trate de especies frondosas (anexo II desta ordenanza), e de 30 metros no resto de especies, tal e como establece a Lei 7/2012 de montes de Galicia.

3. Nos supostos de plantacións de árbores froiteiras, sebes ou árbores ornamentais, as distancias serán as fixadas na correspondente ordenanza urbanística deste concello e, de non existir, serán as fixadas polo recollido, neste extremo, no Código Civil.

Artigo 11. Comunicaci3ns previas e permisos para cortas

1. As cortas e os abatecementos de árbores que constitúan masa arb3rea, espazo boscoso, arboredo ou parque, calquera que fose a clasificaci3n urbanística do solo, estarán suxeitas ao réxime de comunicaci3n previa neste Concello.

2. Así mesmo, segundo o establecido na disposici3n transitoria quinta da Lei 7/2012 de montes, o aproveitamento das masas forestais existentes no momento da entrada en vigor da Lei 7/2012 en solos urbanizables delimitados estará sometido ao réxime de autorizaci3ns da citada lei ata o desenvolvemento urbanístico dos citados solos, momento en que precisarán da licenza municipal descrita no punto 1 deste artigo.

3. Co gallo de garantir a conservaci3n da rede viaria municipal, será necesario solicitar unha autorizaci3n para o transporte da madeira procedente da corta que se realice nas plantaci3ns existentes no municipio da Estrada. Na solicitude especificarase a situaci3n da parcela de onde se vai sacar a madeira cortada, os camiños ou vías públicas por onde se leve a cabo o transporte, as características dos vehículos empregados, así como os días previstos para o ditotransporte, e xuntarase unha fotocopia do permiso da corta da administraci3n forestal cando sexa necesario. A autorizaci3n municipal para o transporte será obrigatoria e gratuíta.

4. As empresas madeiras deberán de dispoñer dun seguro de responsabilidade civil, que cubra os posibles accidentes laborais así como os posibles danos nos viais públicos ou outros tipos de bens dos que a administraci3n teña competencia.

Ou ben, depositarán unha fianza en metálico ou aval bancario en favor do Concello, co obxecto de responder dos posibles danos non reparados voluntariamente, segundo se recolle nesta ordenanza. Para os efectos desta fianza (que deberá de ser depositada coa comunicaci3n previa) establécense as seguintes contías:

- Volume de corta inferior a 300 metros cúbicos: 500,00 €
- Volume de corta entre 300 e 1.000 metros cúbicos: 1.500,00 €
- Volume de corta superior a 1.000 e ata 3.000 metros cúbicos: 4.000,00 €
- Volume de corta superiores a 3.000 metros cúbicos: 6.000,00 €



Artigo 12 Obrigas nas operacións de corta e saca de madeira

1.—O/a madeireiro/a debe limpar os residuos da corta da madeira, de xeito que as pistas, camiños ou espazos públicos queden en todo momento no mesmo estado de limpeza e conservación que tiñan antes de levarse a cabo as operacións de corta e saca de madeira. Esta obriga de limpeza deberá cumprirse todos os días ao final da xornada

2.—Así mesmo, está obrigado/a a sinalizar as vías situadas nas zonas de extracción e depósito da madeira, conforme ao establecido na normativa vixente en materia de tráfico, circulación e seguridade viaria

3.—O/a madeireiro/a ou a persoa responsable da corta identificada na comunicación ao Concello, deberán derrubar e repor ao seu estado anterior as ramplas abertas para facilitar o acceso ao terreo ou monte, co obxecto de que, cando chova, a auga e a terra arrastradas non inunden e causen danos nas pistas, camiños municipais ou parcelas colindantes.

CAPÍTULO IV. RÉXIME SANCIONADOR

Artigo 13. Competencia

Corresponde ao Concello de A Estrada, a través da alcaldía ou do concelleiro no que delegue, a inspección e a sanción das infraccións, tras a instrución do correspondente expediente, das obrigas reguladas nesta ordenanza.

Cando se detecten infraccións de índole penal ou de competencia doutras administracións, darase conta inmediata delas á autoridade ou ao organismo que corresponda.

Artigo 14. Clasificación das infraccións

Considéranse infraccións administrativas, en relación coas materias ás que se refire esta ordenanza, os actos ou omisións que contraveñan o establecido nas normas que integran o seu contido.

As infraccións clasificaranse en leves, graves e moi graves.

Artigo 15. Infraccións leves

a) Constitúen unha infracción leve as condutas constitutivas de infracción reguladas nesta ordenanza cando non deban cualificarse como graves ou moi graves.

b) Non realizar as tarefas recollidas neste documento cos criterios regulados nesta ordenanza.



Artigo 16. Infraccións graves

- a) Non realizar as tarefas recollidas neste documento cos criterios establecidos nesta ordenanza, unha vez notificada a súa obriga e despois de notificar a valoración do custo desas tarefas, cando exista risco inminente de incendio para as vivendas e persoas.
- b) Non permitir o acceso ao persoal de vixilancia para a inspección dos terreos.
- c) A negativa a subministrar información á autoridade municipal, funcionarios/as e axentes no cumprimento das súas funcións.
- d) A realización de plantacións sen gardar as distancias establecidas na presente ordenanza.
- e) A realización de plantacións nos lugares expresamente prohibidos na presente ordenanza.
- f) A reincidencia en infraccións leves. Enténdese que existe reincidencia pola comisión no termo dun ano dunha infracción leve, cando así fose declarado por resolución firme.

Artigo 17. Infraccións moi graves

- a) Cando houberse grave repercusión nos recursos naturais.
- b) A reincidencia en infraccións graves. Enténdese que existe reincidencia pola comisión no termo dun ano dunha infracción grave, cando así fose declarado por resolución firme.
- c) A resistencia, coacción ou ameaza á autoridade municipal, funcionarios/as e axentes.

Artigo 18. Sancións

- 1) As sancións aplicables serán as seguintes:
 - a) Por infraccións leves: multa desde 100 a 600 €.
 - b) Por infraccións graves: multa desde 601 a 1500 €.
 - c) Por infraccións moi graves: multa desde 1501 a 6000 €.
- 2) As sancións graduaranse en función dos seguintes criterios:
 - a) Grao de intencionalidade.
 - b) Contía do beneficio obtido.
 - c) Natureza dos prexuízos causados.



Disposición adicional

Como anexo I a esta ordenanza inclúese a relación de especies non permitidas nas redes secundarias de xestión de biomasa, recollidas na disposición adicional terceira da Lei 3/2007 de prevención e defensa contra os incendios forestais; e como anexo II a relación de especies de frondosas, recollidas do anexo I da Lei 7/2012 de montes de Galicia.

ANEXO I. Relación de especies non permitidas nas redes secundarias de xestión da biomasa: piñeiro do país, piñeiro silvestre, piñeiro de Monterrey, piñeiro de Oregón, mimosa, acacia negra, eucalipto, queiruga, carqueixa, xesta, carpaza, piorno, fento, silva e toxo.

ANEXO II. Relación de especies de frondosas: ameneiro, pradairo, bidueiro, freixo, castiñeiro, cerdeira, carballo, cerquiño, sobreira, carballo albar, aciñeira, abeleira, faia, umeiro, loureiro, sorbeira do monte, capudre, nogueira e érbedo.

Disposición transitoria

As plantacións forestais e os peches arbustivos existentes á entrada en vigor da presente ordenanza que teñan unha antigüidade inferior a 5 anos que, como consecuencia da súa aplicación, se atoparan a unha distancia menor a regulada no seu artigo 7, disporán dun período máximo de dous anos para se adaptaren á citada disposición, agás que dispoñan da autorización do órgano competente da Xunta de Galicia en materia forestal.

Disposición derogatoria

Quedan derogadas todas as disposicións municipais que contraveñan o disposto na presente ordenanza.

Disposición derradeira

A presente ordenanza entrará en vigor ao día seguinte da súa publicación no Boletín Oficial da Provincia. "

A Estrada, 7 de abril de 2017.—O Alcalde, José C. López Campos.



